



Ndwensam cin dauqma Gominz va hoengzhwd Nazheuj sai naeuz mbwk Bouxboux dwk giuzyieng	Gwnzmbwn lij haida Ronggya cimh raemx daeuj Bwngaeq cap baenzyaеuj Biu daengz gyaeuj haenznaz
Bouxcuengh dwk giuzyieng Biengz Nazheuj guh caux Daj mwhgonq ciuhlaux Saumbauq angq guhcaemz	Cap bwngaeq ronggya Dayawj dangq duzromh Gyoengq roeg nou sanqcumx Lumj duznou raen meuz
Geij bak bi gaxgonq Vunz donq mbouj baenz gwn Guh hong ngoenz lienz hwnz Bwnhengh cungj loenq liux	Ndaej “duzromh” dakfuk Raeuz cib cuk cib ndei Ndwensam ndaem roengzbae Ndwenroek haеux rim guengx
Cin daeuj cix doekgyaj Muenghcaj haеux baenz sou Gouz donq haet donq caeuz Mbouj rox you rox heiq	Naz baenz gyo mehmbwn Ndaej gwn gyo “duzromh” Bouxlaux nem bouxnomj Cungj rox “duzromh” ndei
Seizgonq nou roeg lai Bibi sai nazgyaj Mbaekgwngz daengz mbaeklaj Nyoeignyamx gvaq doh caez	Haeuj cin guh “duzromh” Gingq lumj gingq saenzlingz Gyo “duzromh” aencingz Riuzmingz cien fanh daih
Daxgoeng Mbanjgorenh Simgenx rox geijlai Caen siengj dit dah dai Mbouj nyienh lai souhhoj	Bi ciemh bi dem saek Guh baenz ndaek giuzyieng Baenz doenghyiengh gitsiengz Ciengz okdaiz biujyienj

Vah Baihlaeng

Sij bonj saw neix, ndaej daengz Dangjveij Swcigih Guengjsae ding-rengz caeuq bangcoengh gig lai. Bangunghdingh Dangjveij Swcigih Guengjsae guh le haujlai hong hawj bonj saw neix. Dang’an’gvanj Swcigih Bouxcuengh Guengjsae vih dou ra dang’an swhliu hix hawj le haujlai fuengbienh.

Boux cangzveij Dangjveij Swcigih, boux misuhcangj, boux yaucangj Dangjyau Swcigih Liuz Yiswng hawj boux guvwn bonj saw neix, Veiz Gozcingh cawjguen Guengjsae seiz, de ciengzgeiz guh boux cujyin Bangunghdingh Dangjveij Swcigih, boux misuhcangj Dangjveij Swcigih, doiq cingzgyang gig sug. Ngvanh caeuq sij bonj saw neix daj goek daengz byai, Liuz Yiswng

dungzci cungj bang ngeixyaeng caeuq okmaеuz, caenn dang camgya caijfangj mbangj vunz roxsae h, bang sonyinx caeuq coihgaij moix cieng saw, caemhcaiq lai baez youq Namzningz, Baekging cujciз gij hoihngexlwnh naenghdamz fueng’anq gvaengzgyaq sij saw caeuq cogauj daengx bonj saw neix, vih bonj saw neix ndaej okbanj ok liux haujlai lwedhanh.

Bouxraiz gaxgonq gag bae gij mizgven digih, si, yienh Guengjsae caeuq Baekging, Gvangjcouh, Cijnamz, Yenhdaiз, Daiyenz daengj dieg, caijfangj haujlai dungzci laux caeuq vunz bihaenx youq Veiz Gozcingh dungzci dazyinx lajde guh hong, gyonj miz 300 lai vunz. Gyoengqde ngeixdauq haujlai saeh-saed bonjfaenh caeuq Veiz Gozcingh

dungzci baedauq, mbangj dungzci vanzlij soengq gij swhliu, mbawsiengq swhgeij gag yo hawj bouxraiz. Mehyah Veiz Gozcingh dungzci Hij Gizgen dungzci gig gvansim caeuq cihciz bonj saw neix sij ndaej baenzlawz, hawj bouxraiz haujlai swhliu dijbauj.

(caengz sat)

Danghnaeuz Youq Ndaw Gyoengqbya Lizhai Mwngz

如果于重山中离开你

□ Genj Amq / 简暗

Danghnaeuz youq ndaw gyoengqbya lizhai mwngz,
Gou yaek dauqma,
Con gvaq doenghfaex mwncum,
Bienqbaenz duзroegvenz,
Dauq daengz henz ndang mwngz!

Danghnaeuz youq gwnz haij lizhai mwngz,
Gou yaek dauqma,
Vad gvaq raemxlangh fanfoed,
Bienqbaenz duзroeghaij,
Dauq daengz henz ndang mwngz!

Danghnaeuz gou youq diegnywj byaijloeng,
Gou yaek gyaep dauq rizdin mwngz,
Bienqbaenz duзloeg,
Byaij doh cien bya fanh yiemj,
Dauq daengz henz ndang mwngz!

Hoeng boux gou gyaеz a,
Gou nyengh dwg youq,
Yien fwngz mwngz seiz lizhai mwngz,
Ndigah,
Gou cij ndaej doiq mwngz naeuz:
Nyienh ciuhvunz mwngz,
Ciengxlwenx lumz gou bae!

Mbawfaex loenq,
Gou rox,
Gvaq mbouj ndaej geijlai nanz,
Seizcin caiq dauqma,
Gaenq mbouj dwg geiqciет gou lo.

Ganxgonq gou caen siengj cam mwngz,
Ciuhvunz neix,
Ndaej gvaq geij aen seizcin?



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioз Siengzcouh Liuz Giongliuз Cioз Siengzgeen boiz